

Ո Ր Ո Շ ՈՒ Մ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

« 27 » օգոստոսի 2020թ.

N 434/45

1. Վարչական իրավախախտման վերաբերյալ գործի նկարագրությունը, վարչական ակտն ընդունելու համար հիմք հանդիսացող փաստերը.

Երևանի քաղաքի Ավան վարչական շրջանի ղեկավարի աշխատակազմի աշխատակից Վ. Մարգարյանի կողմից 19.01.2019 թվականին հայտնաբերվել է Հայաստանի Հանրապետության Վարչական իրավախախտումների վերաբերյալ օրենսգրքի 154-րդ հոդվածի 1-ին մասով նախատեսված վարչական իրավախախտում, մասնավորապես՝ քաղաքացի Խաժակ Հրաչյայի Մանուչարյանի կողմից Ավան, Մ. Բաբաջանյան փողոցի հ. 9 հասցեին կից՝ Երևան համայնքի սեփականությունը հանդիսացող հողամասի վրա, ինքնակամ իրականացրել է քարե շարվածքով շինության կառուցման շինարարական աշխատանքներ, որի վերաբերյալ 24.01.2019 թվականին կազմվել է վարչական իրավախախտման վերաբերյալ թիվ 029050 (այսուհետ՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Խաժակ Հրաչյայի Մանուչարյանի մասնակցությունը ապահովելու նպատակով Երևանի քաղաքապետարանի կողմից միջոցներ են ձեռնարկվել քաղաքացի Խաժակ Հրաչյայի Մանուչարյանին Երևանի քաղաքապետարանում՝ կայանալիք նիստի վերաբերյալ ծանուցելու համար, սակայն ծանուցագրերը չեն հանձնվել՝ վերջինիս չհայտնաբերելու պատճառով:

Հաշվի առնելով, որ Վարչական իրավախախտումների վերաբերյալ օրենսգրքի դրույթներով չեն կանոնակարգվում վարչական իրավախախտման վերաբերյալ վարույթների կասեցման դեպքերը, հիմքերն ու կարգը, և այդպիսի կարգավորումները սահմանվում են «Վարչական հիմունքների և վարչական վարույթի մասին» օրենքով (հետայսու՝ Օրենք), ուստի ղեկավարվելով Օրենքի 49-րդ հոդվածի 1-ին մասի «գ» կետով 06.03.2019 թվականի վարչական իրավախախտման գործի վերաբերյալ հ. Վ-8/24 որոշմամբ 24.01.2019 թվականին քաղաքացի Խաժակ Հրաչյայի Մանուչարյանի նկատմամբ կազմված հ. 029050 արձանագրության հիման վրա հարուցված վարչական վարույթը կասեցվել է:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Խաժակ Հրաչյայի Մանուչարյանի մասնակցությունը ապահովելու նպատակով Երևանի քաղաքապետարանի կողմից միջոցներ են ձեռնարկվել քաղաքացի Խաժակ Հրաչյայի Մանուչարյանին Երևանի քաղաքապետարանում՝ կայանալիք նիստերի վերաբերյալ ծանուցելու համար, սակայն ծանուցագրերը չեն հանձնվել՝ վերջինիս չհայտնաբերելու պատճառով:

Վարչական իրավախախտման գործի վերաբերյալ 02.05.2019 թվականի հ. Վ-16/47, 03.07.2019 թվականի հ. Վ-25/52, 04.09.2019 թվականի հ. Վ-34/32, 30.10.2019 թվականի հ. Վ-41/33, 25.12.2019 թվականի հ. Վ-49/33, 19.02.2020 թվականի հ. Վ-7/33, 15.04.2020 թվականի հ. Վ-15/123, 12.06.2020 թվականի հ. Վ-23/65, 06.08.2020 թվականի հ. Վ-31/58 որոշումներով քաղաքացի Խաժակ Մանուչարյանի նկատմամբ կասեցված վարչական վարույթը վերսկսվել է:

Վարչական իրավախախտման գործի վերաբերյալ 08.05.2019 թվականի հ. Վ-17/27, 10.07.2019 թվականի հ. Վ-26/21, 04.09.2019 թվականի հ. Վ-34/34, 30.10.2019 թվականի հ. Վ-41/36, 25.12.2019 թվականի հ. Վ-49/35, 20.02.2020 թվականի հ. Վ-7/45, 15.04.2020 թվականի հ. Վ-15/293, 12.06.2020 թվականի հ. Վ-23/71, 06.08.2020 թվականի հ. Վ-31/63 որոշումներով կասեցվել է 24.01.2019 թվականին քաղաքացի Խաժակ Հրաչյայի Մանուչարյանի նկատմամբ կազմված հ. 029050 արձանագրության հիման վրա հարուցված վարչական վարույթը:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը քաղաքացի Խաժակ Հրաչյայի Մանուչարյանի

մասնակցությունը ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել քաղաքացի Խաժակ Հրաչյայի Մանուչարյանին Երևանի քաղաքապետարանում 27.08.2020 թվականին կայանալիք գործի քննությանը ծանուցելու համար:

Քաղաքացի Խաժակ Հրաչյայի Մանուչարյանը ծանուցված լինելով 27.08.2020 թվականին կայանալիք գործի քննության տեղի և ժամանակի մասին չներկայացավ, ուստի Օրենսգրքի 267-րդ հոդվածի 1-ին մասի համաձայն գործը քննվեց վերջինիս բացակայությամբ:

Գործի քննության ընթացքով՝ որպես մեկ համակցություն, հետազոտվեցին արձանագրությունը, Երևանի քաղաքապետարանի աշխատակազմի քաղաքաշինության և հողի վերահսկողության վարչության պետի 01.02.2019 թվականի հ. 19/6404, 07.03.2019 թվականի հ. 19/6404, 29.05.2019 թվականի հ. 19/6406 գրությունները, Երևանի քաղաքի Ավան վարչական շրջանի ղեկավարի 27.02.2019 թվականի հ. 30/01-358, 16.04.2019 թվականի հ. 30/01-672, 03.09.2019 թվականի հ. 30/01-1494, 19.02.2020 թվականի հ. 30/01-342 գրությունները, Երևանի քաղաքապետարանի աշխատակազմի հասարակական կարգի պահպանության ծառայության պետի 23.04.2019 թվականի հ. 51/44-6404 հ գրությունը, ՀՀ ոստիկանության Երևան քաղաքի վարչության Նոր Նորքի բաժնի Ավանի բաժանմունքի պետի 09.08.2019 թվականի հ. 32/1-7938, 20.01.2019 թվականի հ. 32/1-2231, 20.05.2020 թվականի հ. 14/1-849 գրությունները և իրավախախտման լուսանկարը:

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ քաղաքացի Խաժակ Հրաչյայի Մանուչարյանի կողմից Ավան, Մ. Բաբաջանյան փողոցի հ. 9 հասցեին կից՝ Երևան համայնքի սեփականությունը հանդիսացող հողամասի վրա, ինքնակամ իրականացրել է քարե շարվածքով շինության կառուցման շինարարական աշխատանքներ: Իրականացված շինարարական աշխատանքներն ընդգրկված չեն ՀՀ կառավարության 19.03.2015թ. թիվ 596 որոշմամբ սահմանված կարգի 4-րդ հավելվածի 1-ին ցանկի 2-րդ և 3-րդ բաժիններում նկարագրված շինարարության թույլտվություն չպահանջող աշխատանքներում:

Քաղաքացի Խաժակ Հրաչյայի Մանուչարյանի կողմից թույլ է տրվել Օրենսգրքի 154-րդ հոդվածի 1-ին մասով նախատեսված վարչական իրավախախտում:

2. Վարչական ակտ ընդունելու հիմնավորումները.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (ղիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնությամբ քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 154-րդ հոդվածի 1-ին մասի համաձայն՝ հողօգտագործման իրավունք չունեցող անձանց կողմից պետությանը և համայնքներին սեփականության իրավունքով պատկանող հողամասերի վրա շենքեր և շինություններ ինքնակամ կառուցելը առաջացնում է տուգանքի նշանակում՝ սահմանված նվազագույն աշխատավարձի չորս հարյուրապատիկի չափով:

«Քաղաքաշինության մասին» ՀՀ օրենքի 6-րդ հոդվածի 4-րդ մասի ա) կետի համաձայն կառուցապատողները պարտավոր են կառուցապատումն իրականացնել օրենքով սահմանված կարգով՝ հաստատված ճարտարապետաշինարարական նախագծին համապատասխան, շինարարության թույլտվության հիման վրա:

Նույն օրենքի 23-րդ հոդվածի 1-ին մասի համաձայն շինարարության թույլտվությունը փաստաթուղթ է, որը հաստատում է կառուցապատողի իրավունքը՝ իրականացնել որոշակի շինարարական գործունեություն ինչպես նոր կառուցապատվող կամ վերակառուցվող տարածքում, այնպես էլ գոյություն ունեցող շենքերում և շինություններում:

Օրենքի 1-ին հոդվածի համաձայն՝ սույն օրենքը սահմանում է վարչարարության հիմունքները, կարգավորում է վարչական ակտեր ընդունելու, վարչական ակտերը, վարչական

մարմինների գործողությունները և անգործությունը բողոքարկելու, վարչական ակտի կատարման, վարչական ծախսերի, ինչպես նաև վարչարարությամբ հասցված վնասի հատուցման հետ կապված՝ վարչական մարմինների և ֆիզիկական կամ իրավաբանական անձանց (այսուհետ՝ անձինք) միջև ծագած հարաբերությունները:

Օրենքի 49-րդ հոդվածի 1-ին մասի «գ» կետի համաձայն՝ վարչական մարմինը պարտավոր է կասեցնել վարչական վարույթը, եթե վարչական ակտի ընդունումը հնարավոր է միայն այդ ակտի հասցեատիրոջն ի հայտ բերելու դեպքում:

Օրենքի 49-րդ հոդվածի 3-րդ մասի համաձայն՝ սույն հոդվածի 1-ին մասի «բ» և «գ» կետերով, ինչպես նաև 2-րդ մասով նախատեսված դեպքերում վարչական վարույթը վերսկսվում է դրա կասեցման հիմք դարձած հանգամանքները վերանալուց հետո, բայց ոչ ուշ, քան կասեցման մասին որոշում ընդունելու օրվանից հետո 60 օրը լրանալը:

Ելնելով վերոգրյալից և ղեկավարվելով Օրենսգրքի 23-րդ հոդվածի 2-րդ կետով, 154-րդ հոդվածի 1-ին մասով, 219.1-րդ, 252-րդ, 281-րդ և 282-րդ հոդվածներով, Օրենքի 49-րդ հոդվածի 1-ին մասի «գ» կետով, 3-րդ մասով, Երևանի քաղաքապետի 14.02.2020 թվականի թիվ 460-Ա որոշմամբ՝

ՈՐՈՇԵՑԻ

1. Քաղաքացի Խաժակ Հրաչյայի Մանուչարյանի նկատմամբ 06.08.2020 թվականի հ. Վ-31/63 որոշմամբ կասեցվեած վարչական վարույթը վերսկսել:

2. Քաղաքացի Խաժակ Հրաչյայի Մանուչարյանին Օրենսգրքի 154-րդ հոդվածի 1-ին մասով ենթարկել վարչական պատասխանատվության՝ նշանակելով վարչական տույժ 400.000 (չորս հարյուր հազար) ՀՀ դրամ գումարի չափով:

3. Նախագգուշացնել քաղաքացի Խաժակ Հրաչյայի Մանուչարյանին, որ շինարարական աշխատանքներն ինքնակամ շարունակվելու դեպքում այն կառաջացնի վարչական տուգանք 2.500.000 ՀՀ դրամ գումարի չափով:

4. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015211239 հաշվեհամարին:

5. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԵՐԵՎԱՆԻ ՔԱՂԱՔԱՊԵՏԱՐԱՆԻ
ԱՇԽԱՏԱԿԱԶՄԻ ՎԱՐՉԱԿԱՆ
ԻՐԱՎԱՆԱԽՏՈՒՄՆԵՐԻ ՎԵՐԱԲԵՐՅԱԼ
ԳՈՐԾԵՐԻ ՔՆՆՈՒԹՅԱՆ ԲԱԺԻ ՊԵՏ՝



ԱՐԱՄ ԱԲՈՎՅԱՆ